

64

99

INCOMPARABILI THEOLOGO
D. JOHANNI HÜLSEMANNO,
DE ECCLESIA CHRISTI IMMORTALITER
MERITO &c.
MECÆNATI AC HERO SUO OPT. MAX.

DE QVARTA FILIA
DOROTHEA
ELISABETHA,
Virgine Sexûs sui principe

CELEBERRIMO ITIDEM AC MERITISSIMO
THEOLOGO
D. ABRAHAMO
CALOVIO,
Circuli Elect. Saxon. Superintendenti
Generali, &c.

in matrimonium felicissimè elocata,

gratulatur

humillimus devotissimusq;

Cliens

THEODOSIUS LEHMANNUS,

Annæmontanus.

LIPSIAE,
Typis JOHANNIS WITTIGAU,
ANNO M DC LIX.



nil nisi terribiles nunc' undiq; fama tumultus
Diserit, ut stygiis iterum sese extulit umbris
Irarum attonitis radians discordia flammis,
Excivitq; avidos studia in Mavortia reges.

Qvale chaos rerum nostro moliris in ævo
Per tot acuta tuæ, belli pater impie, dextræ?
Non tibi, læve, tui, fatis, intra limina regni

Thracas inhumano flexisse ad prælia cultu?
Inq; suum jugulum totos acuisle per annos
Tela Othomannigenum? Non hic pellacis Iberi
Gallorumve canam gladios, rabiemq; cruentam.
Ecce, & qva gelida sitiunt statione Triones,
Spumeus adversas Nereus (heu fata!) carinas
Volvit, & argenti diducit in æqvore bellum,
Nullaq; placatos illic videt insula Divos;
Dum miles miseris campos cum mesle colonis
Diripit, & Dano neqvicquam debita sceptro
Exigit obsequia, & crudelibus intonat armis.
Ergo arces vallumq; petunt, infestaq; signa
Qva pote, ab oblesæ pellunt munimine portæ,
Aspice, Cimbrorum qvalis sub pondere virtus
Crescat, & horrendis opponat pectora Gothis?
Aspice devotas in cuncta pericula dextras!

Quanta tamen miseri cecidit nunc gloria regni!

Aut quantum placidæ fax bellica distat olivæ!
Hospita Diis tellus, mea Misnia, tene tuorum
Decipit alta quies? an formidabile nomen
Martis & exacti restant simulachra pericli?
Tu procul in tuto nunc naufraga littore vela
Prospicis, & madidis monstras laxa impia nautis.
Alma salus, divesq; labor se numine misto
Indulsere Tibi: non hic sua tela sonanti
Illidit clypeo, cædesq; instaurat Enyo:
Nec nisi solertis tantum fert arma coloni
Pingve solum, & duro tantum de vomere vulnus.
Majus habes: verus sacris honor excubat aris,
Lex populos armata regit, JANIq; GEORGI
Tityrus in lolio vultus venerare avito.

Ast ubi te, nostræ decus indelebile terræ,
Aut quem te memorem? dic, ô HULSMANNE, salutis
Grande meæ columen, placataq; flecte clienti
Lumina, quem series meritorum immensa tuorum
Egit inasvetas in carmina cogere vires.

O Sol,

200.

O Sol, ô nostræ Sol illustrissime gentis!
Invida quem multis vocat invitatio votis
In terras frustrata alias. Qvo fidere felix
Misnia præstringens aliis sua lumina terris
Omne refert punctum, meritoq; superbit honore.
Te tua si reliquis immiscuit infula mystis,
Non alia es facie, quam quâ per templa relictis
Summus Aron adytis gradiens non numine vano
Terruit Isacidas. Qvalem Te Ecclesia sensit
Heroem! calami dum prorsus inermibus armis
Monstra Stygis, CALVI socios, Latiumq; BAALEM
Sternis ovans, vinctiq; doces, mixtamq; cohortem
Conjicis in turpem Svada penetrante ruborem,
Non aliter Perseus (si fas conferre profanis
Sacra) suam monstri traxit de fauce marini
Andromedam, viridiq; extrema per omnia dextra
Tela reluctanti fixit fatalia dorso.
Qvæ non justa tibi subdunt suffragia laudum
Laurigeros apices? qui non Te, summe virorum,
Constituunt famæq; lux sortisq; Levanum
Theiologi? quàm densa tuo se turba favori
Ingerit, & tacitis implet tua limina votis?
Nec tua te vilem virtus sinit ire, potentum
Cum trabeata tuos leqvitur reverentia vultus,
Inq; tuum jurat Phœbi grex omnis honorem.
Qvot precor Heroum castus sese ambitus ædes
Exerit has circum, thalamiq; jugale pudici
Sollicitat foedus cum tanti prole parentis?
Scilicet imbelles nunquam genuere columbas
Regales aqvilæ. Virtus se stirpis in omnes
Insinuat ramos, ducitq; sub ardua luxum.
Ergo amor est cunctis patriam cum sanguine famam
Participare, suos & sublimare nepotes.
Ecce, rei specimen! Generis se illustribus addit
Maxima Leucoræ lux illa, CALOVIUS, aræ,
Qvem mea ter digno conata melismate Clio
Dicere, ter mediis muta in conatibus iram
Sensit, Phœbe, tuam, & vocem stupescita represit,
Hic parili sanctam tecum, ô HÛLSMANNE, Sionem
Portat amans humero; qualis supera ardua fulcit
Hesperidum genitor. Vos, ter tria numina, testor,
HÛLSMANNO socero gener an quis dignior? an quem
Hicce gener locerum deceat magis? Ecce, Jehova
Qvam merito similes componit foedere mentes!

Sponse,

Sponse, tua est Juno; non hic Ixionis umbra,
Fingit in amplexu vacuæ ludibria nubis.
Juno tua est, nostræ donum venerabile pacis,
Cui non centenæ meliori ex agmine Nymphæ
Se conferre queant. Jamq; hora Hymeneia posti
Serta dat, & quinos fax pronuba ventilat ignes.
Jam video prono famulantum examina collo
Undiq; festivam tectis disponere pompam.
Quanta leges populi genialem auctura triumphis
Læticiam patulas angustat protinus ædes!
Ipsæ coronata plectrum testudine ducens
Phœbus adest, castoq; parat sua vota cubili.

Jungite concordēs in fœdus amabile dextras,
Cœlica perperuum cui spondent fata favorem,
Jungite lo! dextras, non vestros turbet amores
Ulla Stygis rabies mediis emissa cavernis.
Exoptata quies felicibus ebria fatis
Adsit & arcanis cumulet convivia donis,
Et Lucina suo nostris in tempore votis
Annuat. O similes vobis educite mentes!

Jungite concordēs in fœdus amabile dextras,
Avertat melior nigræ mala fascina lingvæ
Exitus, & vestris osoribus incubet Ate;
Cunctaq; constantem servent bona fata tenorem.

Jungite concordēs in fœdus amabile dextras,
Tuq; ô Nympha, tuum fausto sequere omine Sponsum
In patriam, formosa, tuam. Vestigia campis
Imprimer, & raptis mox floribus obruet Auster.

Plura pudor vatem prohibet cantare. Parenti
Gratus honor lingvæ blæsæ est, quem flammae corde
Protrudit pietas. Nec vos hoc spernite munus:
Sæpe etiam argutos inter strepit anser olores.



64

99

INCOMPARABILI THEOLOGO

D. JOHANNI HÜ
DE ECCLESIA CHRIST
MERITO
MECÆNATI AC HERO
DE QVARTA

DORO

ELISABI
Virgine Sexûs

CELEBERRIMO ITIDEM
THEOLO

D. ABRA
CALO

Circuli Elect. Saxon.
Generali
in matrimonium felic

gratulatur
humillimus devot
Cliens

THEODOSIUS L
Annæmonta

LIPSI
Typis JOHANNIS
ANNO M DC



202

123

